

# **Illoqarfiup ilaanut pilersaarut 3.07 Iliveqarfittaassaq**



Kommunit sinerissallu ilaasa pilersaarusioneqartarnissannik Namminersornerullutik Oqartussat nalunaarutaat naapertorlugu kommunalbestyrelsip illoqarfiup ilaanut pilersaarut 3.07 iliveqarfittaassaq akuersissutigisimavaa.

## **Tamanut saqqummiunneqarnera**

Illoqarfiup ilaanut pilersaarutissatut siunnersuut tamanut saqqummiunneqarsimavoq 26. februar 1992-imit 8. april 1992-imit.

## **Nassuiaat**

1988-imi illoqarfiup pilersaarutissaatut siunnersuummi 2.21 kommune nutaamik iliveqarfissamik saqqummussisimavoq; Siaqqinnerup kujataatungaaniitinnikkaminik. Siunnersuulli taanna inaakkamik akuersissutigineqarsimangilaq.

Pilersaarummi 3.07-imi iliveqarfissaq Siaqqinnerup avannaatungaani kangerlummumt sammernanut inissinneqarpoq.

Iliveqarfittaassaq tassaniissaguni alliteriarfissaqarpoq Nuummullu tamarmiusumut naammattussaassalluni.

Iliveqarfittaassap alliffissaqarneranut atatilluu pilersaarummi periarfissinneqarportaaq iliveqarfimmumt atasumik toqusut timaannik ikuallaasarfiliassap inissiffissaa.

Iliveqarfittaassaq atuleqqaassaguni ilivernut 1000 missaanniittunut inissaqarpoq, tassa ukiunut qulinut naammattussaassalluni.

Iliveqarfiliortfiuniartooq issorissuugami saniatigut nunniortariaqangilaq.

Iliveqarfiup Siaqqinnermut sammerna ungaloqassaaq, isaariaalu takuminartumik isaaffeqassalluni.

Iliveqarfiup tungaanut naleriissitamik aqqusineqassaaq. Biilit illerfinnik assartuussisut aqqusineqassapput iliveqarfiup kangiatungaani nunaginnersaatigut.

Iliveqarfik sananeqaleqqaarpat innimigisariaqarput sisoraatersorfiit tamaanaqquutereersut. Sisoraatersorfiit iliveqarfimmumt aqqusernanut paarlaffianni ikaartarfeqassaaq.

Kingusinnerusukkut iliveqarfik allineqassappat sisoraatersorfiit iliveqarfiup avannaaniittut suli avannarpaqqinneqassapput. Tamannali aatsaat pisinnaassaaq ukiut 20-t miss. qaangiutereerpata.

Iliveqarfiliorneq siulleq pissaaq 1992 aamma 1993, atorneqalissallunilu 1993-imi.

## **Tamaani pilersaarutininut allanut pilersaarutip attuumassuteqarnera**

Kommunalbestyrelse aalajangernikuuvoq oqaluffittaassaq Eqalugalinnugit Nuussuullu aqqusernisa katiffiata eqqaaniissasoq, telefonileriviup illutaata eqqaani. Tassaniitinniarneqarneralu tamanut saqqummiunneqarumaarpoq Kommunimi pilersaarut 1992-ip aasaani tamanut saqqummiunneqarpat.

Nuup illoqarfiata pilersaarusioneqarnerani nunap ilaa tamanna sanaartorfiusussaangimmat illoqarfiup ilaanut pilersaarusiaq 3.07 suliarineqartariaqarsimavoq illoqarfiup pilersaarusioneranut tapiliussatut nr. 14-istik taallugu.

## **Allanngortitassaangissusia**

Siunnersuut tamanut saqqummiunneqarniarpat taanna sanioqqullugu tamaani qanoq iliuuseqartoqarsinnaajunnaassaaq. Pilersaarut atuutilivissaaq kommunalbestyrelsimit isumaqatigiissutigineqaruni, tamannalu atuuttussanngorlugu aalajangersarpagu.

## **Aalajangersakkat**

Kommunit sinerissallu ilaasa pilersaarusioneqartarnissaannik Inatsisartut peqqussutaat nr. 6 19. december 1986-imeersoq allannguuteqartinneqartoq Inatsisartut peqqussutaatigut nr. 1 18. juni 1987-imeersukkut

ilaqartitaasorlu nalunaarut nr. 25-mik 9. november 1987-imeersumik naapertorlugu Kommunalbestyrse makkuninnga aalajangersaavoq:

#### *Paragraf 1*

##### *Pilersaarutip siunertaa*

**1.1** Pilersaarutikkut qularnaalliniarneqarpoq nunataqassasoq iliveqarfissamik toqusullu timaasa ikuallaasarfiattut aqqissuussamik illutaqarluni.

#### *Paragraf 2*

##### *Pilersaarutip nunataa*

##### **2.1** Killingi:

Nunataq sutigut killiliganersoq nunap assingani ilanngussami takuneqarsinnaavoq.

Nunataq annertussuseqarpoq 8,2 ha.

##### **2.2** Agguataarnissaa atugaanissaalu:

Nunataq agguataarnerassaaq nunap assinga ilanngussaq naapertorlugu.

Nunatakkuaat taamaallaat makkununnga atorpeqassapput:

I: Iliveqarfik, suliassartaa siulleq.

II: Iliveqarfik, allilerfissaa.

III: Iliveqarfiup isaariaa.

IV: Ikuallaasarfik.

V: Aqquserna, biilinullu qimatsisarfik.

Nunatat pilersaarusiukkap sinneraniittut pissutsimittut ittiinnarneqassapput.

#### *Paragraf 3*

##### *Nunagissarnissaa*

##### **3.1** Nunniugassat:

Iliveqarfiliorfuniartoq ammut 1,3 m tikillugit issuinnangajaagami nunniugassartaqarpiangilaq. Kisianni soorunami ilivernik assaasartussat pisariillisaakkumallugit angisuunik ujaraajarneqartariaqassaaq.

##### **3.2** Qaartitigassartai:

Iliveqarfissap kujataatungaani/kangiatungaani aamma kujataatungaani/kitatungaani sinarsui qaartitigassartamineqarput. Qaartiterinermi kussiorfissat naligitinneqassapput. Kiisalu suliarineqaqqaalerpat avannaatungaani qaarsortaa qaartitilaarneqassaaq imeq kuuttussaq iliveqarfimmut kuugani sissap tungaanut saqisinneqassamat.

Iliveqarfiup eqqaani qaqqajunnat pissusii allanngortinneqassanngillat.

#### *Paragraf 4*

##### *Ungalunissaa*

**4.1** Iliveqarfik ungalooqassaaq kujammut/kangimut aamma kujammut/kimmut sammivimmigut. Ungalui saviminiussapput qaqortumik qalipatat.

Avannamut killinganut aqqusineqassaaq

tullagassiaannarmik, taamalu taanna

immikkoorutaalluassalluni iliveqarfiup

inissisimaneranut nunataatalu tulluussarneranut

nunatamigut sissallu tungaanut avatangiisiinut,

taamatullu kangerlummut Sermitsiamullu.

#### *Paragraf 5*

##### *Sanaartorfiunissaa*

**5.1** Illutaasa inissisimanissaat.

Iliveqarfiup illutassai nunatap ilaani III mi

taamaallaat napparneqassapput, takuuk para-

graf 2.

Iliveqarfik "toqusunut initaqassanngilaq".

Nunatap ilaani IV-mi toqusut timaannik

ikuallaasarfiliortoqarsinnaavoq.

**5.2** Illut portussusissaat isikkussaallu

Illuliassat tamatuma nunataanut asimiittutullu

ornigarneqartarneranut tulluurtuussapput, aamma

iluseqassapput nunatap isikkuminaataanut

naapertuuttunik.

#### *Paragraf 6*

##### *Aqqusernit*

**6.1** Aqqusernit biilinullu qimatsiviit:

Siaqqinnermiit iliveqarfiup tungaanut aqqusineq 4

meterinik silissuseqassaaq, sinaani biilinet

qimatsisarfeqarluni.

Ikuallaasarfimut aqqusineq aqqusernup taassuma uigorissavaa.

**6.2** Sisoraatersorfiit:

Sisoraatersorfiup iliveqarfimmullu aqqusernup

paarlaffianni ikaartarfeqassaaq 4 m miss. silitsi-

gisumik, sisoraatersortut aqqutissaqaqqullugit.

**6.3** Aqqusineeqqat:

Aqquserna taperlugu iliveqarfiup kangiatunganut

aqqusineqassaaq 3 meterit silitsigisumik biilimut

illerfinnik agguussisaammunt pitsorluttunullu

naatsorsuussaanagerussamik. Taassuma isuani

nunatap ilaani I-mi biilinet sangusarfeqassaaq.

Aqquserna pisuinnarfissiaq silinneq iliveqarfiup sammivia tukimoorlugu sammiviligassaaq 1,5 m-tut silitsigissaaq.

Aqqusernit allat iliveqarfimmukartut nunaannakut aqqusineeraannaassapput nunataata pissusia atuarlugu tullagaannassiaassallutik.

**6.4** Aputisiutinik qamuterfiit:  
Aqqusernup aputaajartarnerani aputisiutinik qamuterfiit sianigineqassapput.

*Paragraf 7*  
*Nunaannartai*

**7.1** Nunatap pineqartup sinnerani sanaartorfiunngitsut pissusii pissusiitut itiinnarneqassapput, tamannalu iliveqarfiliulernermi uisimaffiginiarneqassaaq.  
Nunatat mallukkat naggorissarneqassapput, nunatarlu sukuluitsuutinneqassalluni.  
Kussiat aqquserniillu sinaasa uingarni issumik qallersorneqassapput ivigassanillu siaruarteriffigineqassallutik imaluunniit tamaani nunap naasuinik ikkussuiffigineqassallutik. Suliaq naammassippat nunataq nunagissarneqassaaq.  
Nunatarli Siaqqinnerup avannaatungaaniittoq iliveqarfissamut aqqusinniassap kangiatungaa-niittoq mallorneqarsimaqimmat nalimmattor-neqartariaqassaaq naggorissaqqinneqarlunilu.

*Paragraf 8*  
*Teknikkikkut iluaqusersuutit*

**8.1** Pilerseqqaarnerani sarfamut, imermut kuuffinnullu atassusernissaa pisariaqanngilaq.

**8.2** Toqusut timaannut ikuallaasarfeqalerpap sarfamut, imermut kuuffissuarnullu atassuserneqarsinnaavoq.

*Paragraf 9*  
*Oqartussaasut allat akuersinissaat*

**9.1** Illoqarfiup pilersaaruserneranut tapiliussaq nr. 14:  
Illoqarfiup pilersaaruserneranut tapiliussaq nr. 14 akuerineqarpoq illoqarfiup ilaanut pilersaarut 3.07 naapertorlugu.

**9.2** Peqqinnissaqarfiup akuersissuteqarnissaa:  
Pilersaarut peqqinnissaqarfimmit akuerineqaaqqaartussaavoq.

**9.3** Avatangiisinut oqartussat

akuersissuteqarnissaat:  
Pilersaarut avatangiisinut tunngasunut oqartussaasunit akuerineqaaqqaartussaavoq.


*Paragraf 10*  
*Akuersissutigineqarnera*

**10.1** Kommunalbestyrelsip 1992-imi ataatsimiinnerani siullermi Illoqarfiup ilaanut pilersaaruserniassatut siunnersuut 3.07 akuersis-sutigineqarpoq tamanut saqqummiunneqassasoq.

**10.2** Akuersissutigivinneqarnera:  
Saqqummiunneqarnerani annertuumik uparuarneqarsimanngilaq.  
Illoqarfiup ilaanut pilersaarut 3.07 kommunalbestyrelsip juunimi 1992 ataatsimiinnermini inaarutaasumik akueraa.

**10.3** Aningaasaqarnermut Pisortaqarfiup aalajangersaanera:  
Illoqarfiup ilaanut pilersaarut Aningaasaqar-nermut Pisortaqarfiup akueraa juulimi 1992.

**10.4** Nalunaarutigineqarnera:  
Illoqarfiup ilaanut pilersaarut 3.07 naammassillugu suliarineqareerpoq tamanullu nalunaarutigineqarluni atuutilertut ulloq 29. juuli 1992.



GI 7659:10,86

GI 7654:38,21

GI 7447:59,98

Skiløjper

II

I

III

IV


V

Grænse for delområder

Lokalplangrænse

KNALLERT BANE

Lokalplan 3.07  
Ny kirkegård



10 - Skiløjper

Udvidelse af kirkegård

Kirkegård

Hovedindgang


Tilkørsel og parkering

Skæring af skiløjpe og tilkørselsvej

Illustrationsplan af kirkegården

Lokalplan 3.07  
Ny kirkegård

**Illustration af hvorledes man tænker sig  
kirkegården skal anlægges**



**Lokalplan 3.07  
Ny kirkegård**